

KATA SAMBUTAN DALAM RANGKA PERINGATAN HARI ULANGTAHUN KE 30, GKPS CIJANTUNG

Sada malas ni uhur bangga do ibanta hasoman sahuria GKPS Cijantung khusus ni, sonai homa haganupan hasoman sa-GKPS. Mardingat natotap do iahapkon hita namarhorja do Tonduy ni Tuhan Naibata bani hadirionta sonai age ibagas namarhuria.



Taridah do ai humbani hasadaon pakon semangat ni pagori ni huria in mandompakhon bagei ni namasa ronsi namanranggi horja. Lang tarbahen lang sai na adongdo perbedaan pandapot ronsi sikap na boi mallanglangi laho merayak sura-sura namadear ibagas Tuhan in.

Iahapkon hita do buah ni tonggota riap, masukanta ma tahun napa 30 tahunkon.

Bagei-bagei do namasa, malas ni uhur pagantih soluk pakon hangaluton. Kuasa pakon hata ni Tuhan in do namanongtong ronsi sadokah ni dokah ni.

In do hagogohon banta halani ai totap pongkut hita janah dingat bani tugas tanggung jawabta bei. Sonai do ham sonai age ahu, baik sebagai anggota jemaat sonai age majelis nasongon ampeian ni horja pangidangion.

Malas ni uhurta in do mambobai haringgasonta bani pangidangion laho mambosuri naniidangan. Tapi sonaha do dapotan hasoman naniidangan anggo sipangidangipe seng jumpahan ?

Tolupuluh (30) tahun ma dob jongjong huria GKPS Cijantung on, janah tangkas do banta domma mardalan alih generasi.

Marbuah do janah jenges do buah ni podah ni orangtua marhata Simalungun napaingkatkan niombah ni hu tanoh parserakan on.

Tarsunggul uhur bani hata ni umpama " naulang ma ho songon horbo sihalung" nini ; igomburi panginuman ni, namanggoki podah bani hata sipasingat.

Panginuman aima Bah Tubuh Hagoluhan Ibagas Kuasa Ni Tonduy Napansing Namambobai Hita Mardalan Bani Hasintongan-Ni.

Huria nani arbahan ni Bah Tubuh in do namaruhur mamingkirhon parjongjong ni huria on, sonai do ronsi namanoruskon bani generasi hu generasi namangihut.

Sonari lang tarbahen lang domma alih generasi hubani niombah nalahir i kota. Sidea ma tampean ni tanggung jawab ai. Gepe gati do halani hurang ni pangarusion bani hata Simalungun ra ngalut arusan ni namambogei.

Sonai ma holi bani sada panorang boima gabe lomos do uhur nalang mangarusi hata Simalungun pakon budaya Simalungun.

Boi homa ai alasan lumpat hu huria nalegan, dengan enteng berkata: gimana iya, kita ga ngerti bahasanya daripada bengong, ngantuk ?

Pae-pae hita, sebagai orangtua sonai parhorja, ulang namin bani sada panorang GKPS do huria ni, tapi marpala-pala hita manonggori parkursusan bahasa Simalungun pakon budaya na adong banta. Porlu itanamkon nilai nilai budaya, termasuk berbahasa Simalungun tontu tanggungjawab riap do ai.

Adong pesan-pesan hasimalungunon nalang tarpadas ibagas bahasa Indonesia.

Tapi bagas pangkorhonni bahen pambobai ibagas toruh ni uhur, mambobai pangarusion bahen bolat-bolat mangimbang hajungkaton.

Halani ai gabe sipambobai ma niombahta bani hasoman nalegan.

Songon piga-piga orangtua naroh hunluat nalegan hutongah-tongah ni hurianta, malonan ma sidea ase simadasi.

Mulak hita hubani pesta malas ni uhur perayaan 30 tahun ma kurianta on, maningon do ipakei hita momen penting on sebagai landasan pabayuhon paruhuran.

Ipungkah ma ai humbani na paorodkon parsoranta, simbili hita ma uhur domdom, parbolah-bolahan pakon ringis.

Ningon tubuh marlipatganda habasaron pakon hasabaron ase ulang idondoni rimas ni uhur hita. Songon namambuhuli, marumpasa ma hita lobe.....

Marbuah ma assimun padua buah ni gundur,
Marodor ramos, riris mangalioti gambiri,
Gepe tungkis do dalam idiang milas ni ari borngin manghatur,
Ulang mintop, ulang ham hondur maniti ari.

Martunas ma silanjuyang bahen patok ni parbalokan,
Ijuma roba panuanan ni lampuyang,
Marobu ma namin sihorjahon hata naulang,
Gabe paroh partolsuan bani hasoman nalegan.

Marbuah ma uttei mukkur padua uttei puraga,
Ranting ni hayu hoting bahen soban,
Marubah ma paruhuran ale hasoman jolma,
Tingki ni ma sonari marbalos ibagas hata ni Tuhan.

Boras sabar-saburan hun huta Sipornayan,
Horas hita ganupan marhasoman Kristus Tuhan. Amen

Jakarta, 23 Mei 2022

St. (Em) Riden Sipayun